

(4)

SYNODUS DIOECESANA

SANCTÆ BENEVENTANÆ ECCLESIAE

Ab Eminentissimo, et Reverendissimo Domino

JOANNE BAPTISTA


MISERATIONE DIVINA TIT. S. PANCRAII

S. R. E. PRESBYTERO CARDINALI

B U S S I

A R C H I E P I S C O P O .

*Celebrata juxta antiquum ejusdem Ecclesiae morem
die 24. Augusti 1828.*



BENEVENTI MDCCCXXVIII.

Apud Gregorium Paternò Typographum Cameralem.

PLATE 2

THE GREAT HALL OF THE TEMPLE

THE GREAT HALL OF THE TEMPLE

THE GREAT HALL OF THE TEMPLE

THE GREAT HALL OF THE TEMPLE


THE GREAT HALL OF THE TEMPLE

THE GREAT HALL OF THE TEMPLE

THE GREAT HALL OF THE TEMPLE

THE GREAT HALL OF THE TEMPLE

THE GREAT HALL OF THE TEMPLE



THE GREAT HALL OF THE TEMPLE

THE GREAT HALL OF THE TEMPLE

JOANNES BAPTISTA

MISERATIONE DIVINA

TIT. S. PANCRAII S. R. E. PRESBYTER

CARDINALIS BUSSI

S. METROPOLITANÆ ECCLESIAE BENEVENTANÆ

ARCHIEPISCOPUS.

Decretum de Synodi apositione.

*In Nomine Sanctissimæ, et Individuæ
Trinitatis, Patris, et Filii, et Spi-
ritus Sancti. Amen.*

Scriptum est, dilectissimi: nil sub sole novum, et ipsa, quae nunc conspiciamus mala, eadem majores nostri, et faediora fortasse conspexerunt. Concupiscentia namque carnis humanae naturae insita, velut aquae torrens, e circumscriptis limitibus continuo conatur deflectere, et ubi ad illius cohibendam vim debiliora reperit impedimenta, erumpit proculdubio: illam proinde aliis atque aliis opus est repaculis continere. Sollicite profecto occurrere debent Rectores animatum, ne virtuti praevaleat vitium: Si vero quavis ex causa contrarium contingere noverimus, operam demus oportet ut rerum ordo ad pristinum prorsus reducatur; ea certe media adhibendo, quae ad optatum suum rem perduxisse, experientia docemur.

Gravissima mala, venerabiles Presbyteri, inficiari nequit, quin hisce temporibus gregi ingruant, quae singillatim enumerare supervacaneum ducimus. Cum nostra intersit illa pro viribus radicibus extirpare, non valemus sane aptiora media proponere quam ea, quibus Praedecessores nostri summa prudentia ac doctrina praediti sunt feliciter usi. Vestram erit omne studium, ope-

ram, et diligentiam in ea ponere, ut leges, quae in hac Synodo collatis consiliis sanciantur ab omnibus Christifidelibus observentur.

Quapropter quam nostram Dioecesanam Synodum hac ipsa die 24. Augusti ad Omnipotentis Dei, et Jesu Christi Filii ejus Domini nostri, Beatissimae Deiperae, S. Michaelis Archangeli, B. Apostoli Bartholomaei. SS. Pontificum nostrorum Januarii, et Barba-
ti, SS. Dominici, et Philippi Neri Confessorum, caeterorumque nostrae Civitatis Sanctorum Patronorum, aliorumque Sanctorum gloriam, honorem, et laudem apertam esse, ac inceptam volumus, decernimus, ac promulgamus.

TITULUS I.

De Confirmatione Synodorum usque modo celebratarum.

Dioecesanæ Synodes per Nos, et a Praedecessoribus nostris sancte, et salubriter celebratas, pro ea tamen parte, quae his decretis non repugnent, confirmamus et ab omnibus, ad quos spectat observari mandamus sub poenis in illis statutis, et comminatis.

TITULUS II.

De Summa Trinitate, et fide Catholica.

Veri Dei cognitio, obsequium, et cultus primum est totius Religionis, ac Christianae vitae fundamentum: „*accedentes enim ad Deum oportet credere, quia* „*est, et inquirentibus se remunerator sit.* „ Quae vero hac de re fides Catholica tradit, quaedam explicita cognitione firmiter tenenda sunt necessitate *praecepti*; nonnulla vero ea necessitate, quam *medii* Theologi tradunt, ita ut ratione praediti si ista etiam inculpabiliter omittant, salutem aeternam consequi nullo modo valeant.

Laudandi quidem sunt Parrochi, qui de utrisque fideles assidue erudiunt, nec omnino damnandi, qui

saltem ad imbuendos pueros praecipuis fidei mysteriis omne studium, ac diligentiam conferunt: dessemus tantummodo socordiam nonnullorum, qui velut mercenarii, oves sibi commissas luporum voracitati ac praeda relinquant, dum eas Sanctissimae Trinitatis, Incarnationis, et caetera Redemptionis mysteria; imo ipsam Dei existentiam ignorare patiuntur. Enim vero quid credendum, quid agendum christifidelibus sit, quisque debet perfecte scire, maxime quidem Deum unum esse in substantia, et trinum in personis; Crucis beneficium, et praemium inde sperandum, ac poenas pertimescendas. Cum de gravissimo negotio aeternae felicitatis peragatur, Parochi se ipsos non decipiant dum satis esse putant, pueros expectasse ad valvas Ecclesiae, et ad aliam non teneri diligentiam, ut ii Paraeciis intersint designatis diebus, pro explanatione rudimentorum fidei; et ubi opus sit parentes eorum admoneant, hortentur, et increpent, ac pueros ipsos per domos, ac vias quaerant ad instar boni Pastoris qui per valles, montes, et campos quaesivit sollicitus ovem errantem.

Praecipimus autem, ut ea, quae de doctrina christiana pueris tradenda Praedecessores nostri constituerunt, unusquisque retineat; videlicet ut non solum dominicis singulis, verum etiam quibuslibet festivis diebus de praecepto in Parochialibus Civitatis, et Dioecesis, una non minus hora post prandium, pueros doceat Christianam doctrinam.

Item iisdem dominicis, ac festivis diebus Parochi post lectum Evangelium, et non alias inter Missarum solemnias ad populum conversi, alta voce vernaculo idiomate, universo populo respondente, sequentia recitent: 1. Signum S. Crucis: quo omnibus signatis: immediate explicent Sanctissimae Trinitatis, ac Incarnationis mysteria: 2. Orationem Dominicam: 3. Salutationem Angelicam: 4. Apostolorum Symbolum; 5. Decem praecepta Decalogi: 6. Quinque praecepta Ecclesiae: 7. Septem Sacramenta. Haec eadem praestabunt etiam simplices Sacerdotes diebus festivis cele-

braturi in ruralibus Capellis, ad illorum commoditatem, qui fidei mysteria et ejusdem rudimenta proreus ignorant, et discere erubescunt. Paena vero suspensionis punientur Parochi, et Presbyteri, si ab instituto per quinque vices defecerint absque legitima causa.

Praeterea animadvertant omnes, qui animarum curae sunt praepositi, sel. recordat. Cardinalem Ursini in prima Synodo cap. 2. Ingressum Ecclesiae interdixisse parentibus, et dominis, qui per quinque vices filios suos, suosque famulos ad Christianam doctrinam addiscendam mittere neglexissent.

Optamus denique, ut Parochi curam omnem adhibeant, ut mulieres spectatae vitae, ac morum in informandis christiana lege puellis operam suam navent; quae munere quae pie, ac diligenter funguntur, amplissimos fructos nempe SS. Pontificum plurimas indulgentias lucraturas sibi persuadeant.

TITULUS III.

De maledicto, seu blasphemia.

Viri et mulieres, adulti et parvuli, insane hodie verba in Deum contumeliosa pronuntiare non perhorrescunt: tribuendum id sane videtur crassae ipsorum ignorantiae, quam horrendum sit hoc facinus, quantaque poena dignum, cum divinam non vereantur maledictis impetere majestatem. Nulla enim occurrit caesa, cur Deus, a quo bona cuncta in vita suscipimus, conviciis oneretur „ *annis, quibus perditī isti homines* „ sic de blasphemis Divus querebatur Policarpus „ *Deo ministrarunt, qua injuria eos affecit? et quomodo possunt loqui adversus Dominum suum, auctoremque salutis eorum?* Quare si blasphemiae execrabilis malitia, et in blasphemos inflictæ paenae tam divinae, quam humanae dilucide juxta captum plebis exponerentur, nisi omnino anferantur, saltem notabilis illarum imminutio in dies videretur.

Volumus propterea, ut Parochi et verbi Dei Prae-

cones Populum alloquentes frequenter sermonem insi-
tuant de malitia blasphemiae, et horribilibus Divinae
indignationis propositis exemplis, quibus saepe Deus
etiam in blasphemos acerrime animadvertit in hac vi-
ta, a tali nefario crimine christifideles studeant eter-
nere. Insuper instruant plebem, quibus poenis punian-
tur blasphemi legibus tam Ecclesiasticis, quam Civi-
libus.

Confessarii vero antequam absolvant poenitentes tan-
ti peccati reos; prae oculis habeant, Concilium La-
teranense v. sess. IX. praescripsisse: „ *ut in foro poe-
nitentiae nemo blasphemiae reus absque gravissima
severi Confessarii arbitrio injuncta poenitentia pos-
sit absolvi.* „

Quod si haec non sufficiant ad talium perditorum
hominum coercendam audaciam, denuncientur ii ad Pa-
rochum, vel Curiam nostram Archiepiscopalem, ut im-
plorari possit in locis Regni brachium saeculare, pro
punitione juxta saluberrimam legem nuper promulga-
tam a Religiosissimo, et Serenissimo Regi utriusque
Siciliae Rege; Idque eo magis, quia S. Pius v. constituit.
Cum primum renovans quod per Leonem X. decre-
tum fuerat, voluit, ut qui audierit blasphemias pro-
nunciare, tenerentur acriter arguere verbis, dummodo
sine suo periculo fieri poterit, blasphemum, et dein-
de eum, si non fuerit emendatus, denunciare judici
Ecclesiastico: Talibus vero delatoribus, vel potius
Divini honoris zelatoribus, concessit laudatus Pontifex
Indulgentiam decem annorum.

T A B U L A S I V

De Festorum Celebratione.

Dies festivos Apostolica traditione, et Ecclesiasticis
legibus institutos Fideles reliquis curis, ac negotiis
vacui transigant, ut Deo; et Religionis officiis dili-
genter vacare possint. Valde enim rationi consentane-
um, certis quibusdam diebus Deum Optimum Maxi-
mum, a quo bona cuncta procedunt, cognoscere, co-

lere, ac venerari: unde dies festos non sanctificare al
impietatem perfertur, et qui illos contemnunt, Divinae
indignationis experientur effectus, ut per Ezechielem
minatur Deus: „ *Sabbata mea violaverunt vehementer,*
„ *dixi ergo ut effunderem furorem meum super*
„ *eos, et consumerem eos.* „ Quamobrem necesse est
ut indictae ex divinis Oraculis adversus violatores
dierum festorum punitiones repraesententur; Patresque
familias sollicitè admoneantur, ne filii, ac domestici
Iudis, comessationibus, et ebrietatibus, aut servili-
bus vacent operibus, sed potius dent operam, ut
Missae SS. Sacrificio debita reverentia, et attentione
adsint, cathechesim audiant, et ad coetras pietatis
exercitationes incumbant. Proinde Parochi, et Con-
fessarii studeant assidue hujus praecepti debitum, et
illud implendi modum inculcare, quamque severe in
hac vita mulctaverit Deus profanatores dierum festorum
ut manifestum sit ex veteris, et novae legis historia.

Cum laudatus utriusque Siciliae Rex in id etiam
suae Religionis manifesta argumenta praestiterit, sta-
tuens poenas temporales in suos subditos, qui dies
festos contemnerent; Vicarii Foranei, et Parochi, si
postquam serio admonuerint, contumaces cognoverint
hujusmodi festorum profanatores, non dubitent implo-
rare auxilium brachii saecularis, ut ex illorum animi-
adversione reliqui quoque terreantur.

Insuper coercionis remedium adhibeant in patres-
familias, qui etiam filios, vel domesticos festum non
sanctificare permittunt: Scriptura namque ipsos id etiam
prohibet, ut in Exod. Cap. 20. v. 10. „ *Non facies*
„ *omne opus in eo tu, et filius tuus, et filia tua,*
„ *servus tuus, et ancilla tua, jumentum tuum, et ad-*
„ *vena, qui est intra portas tuas.* „

Demum admoneantur Fideles, dies festos non tan-
tum abstinentia ab operibus servilibus, et SS. Missae
auditione Sacrificii celebrari, sed etiam curandum es-
se, ut Deo omnis cultus exhibeatur, et ab omni
peccati labe caveatur.

De Pœnitentiæ Sacramento.

Dum Confirmationis Sacramentum per diœcesim administrabamus, multi octo, decem, duodecim et plurimum annorum oblati sunt S. Chrismate iungendi, de quibus mirati sumus, quod nunquam Sacerdoti peccata sua confessi fuissent. Falleret sane eos opinio, qui existimarent, præceptum Concilii Lateranensis IV. confitendi semel saltem in anno, ante pubertatem non obligare, nequit enim inficiari mortaliter etiam peccari posse sub annum nonum, vel decimum, et ante id temporis. Quæ cum ita sint, Parochi, sicut in præceptum paschalis Communionis, ita æque diligenter incumbant ad annalem puerorum doli capacium confessionem, qui videlicet post septennium aliquo saltem modo Deum offendi per hoc vel illud cognoscere videantur: Confessoriorum autem erit iudicium ferre nrum absolutionem mereantur, eamque certe denegare non debent, quando necessaria præbeant ad illam obtinendam.

Ex multorum querimoniis, quod infirmi sæpe e vita inconfessi, vel ad transitum non dispositi aliis spiritualibus auxiliis decedant, ea prætermitti cognovimus, quæ salubriter sancita sunt per can. „ *cum infirmitas de* „ *pœnit. et remis. ac per S. Pium V. Bulla super gre-* „ *gem renovata, illis verbis: ne Medicus incipiat cu-* „ *rare infirmum, nisi eum moneat de confessione fu-* „ *cienda; neque ultra tres dies eum invisat, nisi scripto* „ *Confessarii resciat eum esse confessum.* „ Monemus hinc Medicos, et a Parochis etiam atque etiam moneantur, sub gravi ipsis parendum esse Ecclesiæ mandatis; et caveant deinceps, ne sua culpa infirmi æternam damnationem incurrant, quia tempore idoneo non admoniti, vel non confessi vel præpropere confessi moriuntur.

TITULUS VI.

De vita, et honestate Clericorum.

Postremo in hac etiam quarta Synodo aliqua de vita, et honestate Clericorum verba facere pro pastoralis sollicitudinis nostrum esse judicamus. Cujus rei occasionem praebent nonnulli, qui constitutionibus alibi sancitis inobedientes effecerunt, ut ad nostras aures, de ipsis querelae a Dioecesanis, et ab esteris perferrentur.

In genere quidem quidquid de Ecclesiasticorum vivendi ratione, et de conversandi circumspectione, praesertim cum mulieribus alias statutum est, renovamus, ac confirmamus. Omnibus autem Ecclesiasticis in memoriam revocamus obligationem abstinendi a ludis, conviviiis, spectaculis, et aliis saeculi oblectamentis, ut quemadmodum decet Ministros Dei vivi (sic Epistola Encyclica S. Congreg. Episcoporum, et Regular. 3. nonas Augusti hujus anni jussu Summi Regnantis Pontificis data ad omnes Episcopos Status Ecclesiastici) procul a theatris et publicis clamoribus, illam a populo christiano reverentiam exigant, quam sacerdotum character, et sublimis dignitas promeretur, ac illorum verba vere sal terrae et sint, et habeantur.

Reprobatur quocirca vituperabile illud vestiendi genus, quo quidam clerici nostrae Dioecesis, quae coeteris semper fuit exemplar, et laus, in alienis Dioecesibus vulgi scandalo usi sunt. Pluries laudata Regni, utriusque Siciliae Majestas hac etiam de re leges tulit, idque in Synodis, et aliis occasionibus per Nos iterum atque iterum vetitum est; audent nihilominus nonnulli in hanc ipsam Civitatem descendere vestibus induti clericali statu prorsus indignis: unde eadem, quae super honestate habitus alias jussa sunt, denuo jubemus. Eos vero, qui ad hanc usque civitatem indecenter et saecularium more incedere posthac prae-

sumpserint, statim ad nostram Curiam per publicos satellites traduci mandabimus, et severissime punientur. Item ad viciniore Episcopos quamprimum literas daturi in Domino cohortabimur, ut ad nos referant nomen ejus clerici, qui in vestibus scandalum suis Dioecesibus praeberit, et in eos agemus juxta canones Ecclesiae, et Synodales sanctiones.

Sed omnia, quae commemoramus, a spiritus Ecclesiastici gradibus, veluti a fonte rivuli, manare, in dubium verti nequit. Quod si ita est, pro animarum sanarum salute hortamur clericos, ut toto conatu ad bonum spiritum sibi efformandum accurate incumbant. Emundent idcirco animas suas frequenti, videlicet, his saltem in mense (quod esset octavo quoque die exigendum) culparum suarum confessione; praeterea quotidiana veritatum aeternarum meditatione levem suam defectus evitent; meditatio namque plurimum valet non solum ad removendos clericos a peccatis, et a creaturarum amore, sed ad eos in Deum convertendos, et accendendam ipsorum charitatem, ut Psalmista ait. ps. 38. „in meditatione mea exardescet ignis.

TITULUS VII.

De illis, quae ad universas constitutiones pertinent.

Omnes, ad quos spectat, pro ea parte, quae singulos tangit, praecipimus ut suam quisque obligationem agnoscat praecipue Canonici, et alii de nostro Capitulo, vel Collegiatarum Ecclesiarum, et Parochi, et Archipresbyteri, et beneficia obtinentes, omnesque etiam clerici pro eo, quod ad vitam, et honestatem clericorum pertinet infra mensem, postquam impressa fuerit haec nostra Synodus, ejus exemplum penes se habere teneantur sub poena arbitrio nostro infligenda. Mandamus praeterea, ut in qualibet conferentia casuum conscientiae, et SS. Rituum habenda in singulis locis Dioecesis juxta Synodales constitutiones, legatur, et explicetur per Praefectum dictarum con-

ferentiarum unus saltem titulus tam hujus, quam nostrarum præcedentium Synodorum.

FINIS.

Judices, et Examinatores Synodales confirmati sunt omnes præcedentibus annis electi.

Et insuper adjecti sequentes Examinatores Synodales, Admod. Rev. Dominus Canonicus Innocentius Betti Sacerdos Mission. Archiconfrat. sub tit. Prætionississimi Sanguinis.

Multum Rever. Dominus Cyriacus Rossi Archipræbyter S. Mariæ Ingrisonis, ac Vic. For.

Ex Clero Regulari

Rev. P. Andreas Lieskovski Lector S. Theolog. Moralis in Collegio Societatis Jesu hujus Civitatis.

In Synodis autem Litaniarum habitis mense Octobris inter Synodales Examinatores adscriptus fuit. Rm̃us Dominus Vincentius Orefice Utriusque Juris Doctor, ac Eminentissimi et Reverendissimi Domini Cardinalis Archiepiscopi Vicarius Generalis.

JOANNES BAPTISTA CARD. ARCHIEPISCOPUS.



Paschalis Canonicus Ventura Synodi Secret.